



## **ENTE PÚBLICO PORTOS DE GALICIA**

**PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE ATRACADA PARA EMBARCACIÓNS DE 7ª LISTA NAS INSTALACIÓNS NÁUTICO-DEPORTIVAS DO PORTO DE CARIÑO**

### **ÍNDICE:**

**CAPÍTULO I** DO PROCEDEMENTO PARA A ADXUDICACIÓN DAS AUTORIZACIÓNS DE ATRACADA.

### **ANEXOS:**

- I. PREGOS DE CONDICIÓNS DAS AUTORIZACIÓNS
- II. MODELO DE INSTANCIA DE SOLICITUDE DE AUTORIZACIÓN.
- III. MODELO DE IMPRESO DE DOMICILIACIÓN BANCARIA.



## **PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE ATRACADA PARA EMBARCACIÓNS DE 7ª LISTA NAS INSTALACIÓNS NÁUTICO-DEPORTIVAS DO PORTO DE CARIÑO**

### **CAPÍTULO I**

#### **DO PROCEDEMENTO PARA A ADXUDICACIÓN DAS AUTORIZACIÓNS DE ATRACADA**

##### **1.- PROCEDEMENTO PARA A ADXUDICACIÓN DAS AUTORIZACIÓNS DE ATRACADA.**

As autorizacións de ancoraxe obxecto deste prego adxudicaranse mediante convocatoria pública, de conformidade co procedemento establecido neste Prego de Bases e no prego de condicións incluído no Anexo I.

##### **2.- TIPOS DE PRAZAS E TARIFAS A SATISFACER POLOS ADXUDICATARIOS**

A presente convocatoria ábrese unicamente para embarcacións deportivas (7ª lista) e as prazas vacantes son as seguintes:

<b>CATEGORÍA DE PRAZA</b>	<b>Nº DE PRAZAS</b>	<b>Dimensións da praza</b>	<b>Dimensións máximas das embarcacións (eslora x manga)</b>
A	41	6,00m x 2,50m	<b>6,00m x 2,10m</b>
B	49	8,00m x 2,95m	<b>8,00m x 2,50m</b>
C	7	10,00m x 3,95m	<b>10,00m x 3,50m</b>

O adxudicatario deberá abonar a Tarifa portuaria vixente en cada momento de aplicación ás embarcacións deportivas e de recreo (Na actualidade a Tarifa X-5 das contempladas na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia. D.O.G. nº 240, do 11 de decembro de 2003).

Para o abono da tarifa X-5 considerarase que a embarcación ten base no porto, polo que en virtude da regra sétima da citada Lei 6/2003, esixirase ó concesionario o pago por semestres naturais adiantados da tarifa mediante domiciliación bancaria.

A contía dos conceptos dos que se compón a tarifa X-5, por metro cadrado arredondado por exceso e por día natural ou fracción, será a seguinte:



A) Pola utilización das augas do porto e mais das instalacións portuarias:

- Zona I: 0,040010 €

B) Polos servizos utilizados de atracada, ancoraxe ou estadia en seco de embarcacións:

- 1. Atracada en punta: 0,044009 €.

C) Pola dispoñibilidade doutros servizos específicos:

- 1. Por cada finger en posto de atracada: 0,018670 €.
- 3. Toma de auga: 0,006668 €.
- 4. Toma de enerxía eléctrica: 0,006668 €.
- 5. Vixilancia xeral da zona: 0,006668 €

**Polo tanto, a tarifa total a aboar será de:**

$$0,040010 + 0,044009 + 0,018670 + (0,006668 * 3) = 0,122693 \text{ €/m}^2/\text{día.}$$

Para embarcacións con base no porto, a tarifa aboarase por semestres adiantados, dando lugar a unha redución do 20% do importe da tarifa que lle sexa aplicable.

Ás embarcacións con base no porto, aplicaráselles unha redución do 25% da tarifa que resulte aplicable no período considerado como temporada baixa, que é o comprendido entre o 1 de novembro e o 30 de abril.

Se no futuro existise fornecemento de auga ou enerxía nos pantaláns a través de tomas, o titular deberá abonar, ademais da tarifa X-5 citada anteriormente, a correspondente a este tipo de fornecementos (na actualidade a tarifa E-3).

### **3.- PRAZO DAS AUTORIZACIÓNS**

As autorizacións de atracada adxudicaránse polo prazo indicado no prego de condicións incluído no Anexo I.

### **4.- PRESENTACIÓN DE SOLICITUDES**

4.1.- As persoas ou entidades que desexen solicitar as autorizacións de atracada obxecto deste prego deberán dirixir ó Ente Público Portos de Galicia unha solicitude conforme ó modelo que se incorpora a este prego como ANEXO II, acompañadas da documentación que se sinala a continuación. As solicitudes, acompañadas de dita documentación, presentaranse no Rexistro da Xefatura da Zona Norte de Portos de Galicia ou na forma indicada no artigo 38.4 da Lei 30/92, do 26 de novembro, de Réxime Xurídico das Administracións Públicas e do Procedemento Administrativo Común, pero en todo caso deberá acreditarse a data e hora de presentación da solicitude.



A data de inicio do prazo de presentación de solicitudes indicárase no anuncio publicado no Diario Oficial de Galicia.

#### **4.2.- Documentación a presentar.**

Xunto coa solicitude, os solicitantes deberán presenta-la seguinte documentación:

1.- Documentos que acrediten a personalidade do solicitante, consistente en:

- Se é persoa física: Copia do **D.N.I. ou N.I.F.**
- Se é persoa xurídica: escritura de constitución e de modificación, no seu caso, inscritas no Rexistro Mercantil cando este requisito fora esixible conforme á lexislación mercantil que lle sexa aplicable. Se non o fora, mediante a escritura ou documento de constitución, modificación, estatutos ou acto fundacional no que constaren as normas polas que se regula a súa actividade, inscritos, no seu caso, no correspondente rexistro oficial. Neste caso, as persoas que asinen a solicitude en nome da persoa xurídica, deberán acredita-la representación coa que actúan mediante poder bastantado ó efecto por letrado da Asesoría Xurídica Xeral da Xunta de Galicia.

2.- **Copia compulsada e actualizada do certificado de navegabilidade e folia de asento da embarcación** que utilizará a praza de atracada solicitada, nas que figuren como mínimo os datos seguintes: nome da embarcación, folio, propietario e dimensións. (No caso de que estea en trámites de actualización deberá presentar o xustificante conforme se está tramitando dita actualización en Capitanía Marítima). Para que a Folla de Asento se considere actualizada deberá estar certificada pola Capitanía Marítima cunha anterioridade máxima dun ano contado a partir da data de publicación no Diario Oficial de Galicia do anuncio da convocatoria.

3.- **Copia compulsada do recibo que acredite o abono do seguro de responsabilidade civil** da embarcación con vixencia no período onde se formalice a solicitude.

4.- **O impreso de domiciliación bancaria para o cobramento da Tarifa X-5**, debidamente cuberto e selado pola entidade bancaria correspondente.

**Os interesados que non dispoñan de embarcación, non poderán solicitar unha autorización de atracada.**

#### **5.- SELECCIÓN DOS ADXUDICATARIOS**

A orde de prioridade na selección e adxudicación das autorizacións de atracada solicitadas virá determinada polas seguintes consideracións indicadas por orde preferente:



1º.- Aquelas embarcacións que, sendo presentadas as solicitudes en prazo e correctamente, non dispoñan de ningunha outra praza de atraque en ningún porto galego.

2º.- Data e hora de presentación da correspondente solicitude. Se por calquera causa non se acredítase a hora na solicitude polo organismo oficial correspondente, computarase como hora de entrada en rexistro as 14:00 h.

**As solicitudes que non presenten toda a documentación esixida na base 4 non serán tidas en conta.** En caso de que se presenten solicitudes coa documentación incompleta, e esta se complete posteriormente, a data e hora que se considerará para a selección será a do rexistro da última documentación presentada.

Os solicitantes que non poidan obter unha autorización de atracada poderán acceder a unha lista de espera, das que se formará unha por cada categoría de prazas existentes no porto, para a adxudicación das prazas que poidan quedar posteriormente dispoñibles por calquera motivo.

#### **6.- ADXUDICACIÓN DAS AUTORIZACIÓNS DE ATRACADA.**

Á vista das solicitudes presentadas e dos criterios propios da axeitada explotación portuaria, Portos de Galicia adxudicará as correspondentes autorizacións de atracada, previos ós trámites que procedan. Asemade, no intre en que Portos de Galicia adxudique as autorizacións de atracada, procederase á liquidación con cargo en conta da taxa portuaria correspondente segundo o disposto na Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia.

#### **7.- POSTA A DISPOSICIÓN DAS PRAZAS.**

As prazas entregaranse no intre en que sexa outorgada a autorización de atraque.

Lugo, 5 de maio de 2008

**O ENXEÑEIRO-XEFE DA ZONA NORTE  
DE PORTOS DE GALICIA**

**Antonio López Fernández.**